

ТРОПАРИ, КОНДАКИ, МОЛИТВЫ И ВЕЛИЧАНИЯ СОЛОВЕЦКИМ СВЯТЫМ

ОГЛАВЛЕНИЕ

Преподобным Зосиме, Савватию и Герману	2
Преподобному Зосиме	4
Преподобному Савватию	5
Преподобному Герману	6
Собору Соловецких святых	7
Святителю Филиппу	10
Пресвятой Богородице пред иконой «Хлебная»	11
Святителю Маркеллу	11
Преподобному Иринарху	12
Преподобному Елеазару Анзерскому	13
Преподобному Иову Анзерскому	14
Пресвятой Богородице в честь Ее явления прп. Иову Анзерскому	17
Преподобномученику Иову Ущельскому	18
Преподобному Диодору Юрьегорскому	20
Преподобным Иоанну и Лонгину Яренгским	22
Преподобным Вассиану и Ионе Пертоминским	24

**Преподобным Зосиме, Савватию и Герману,
Соловецким чудотворцам**

8/21 августа.

Тропарь, глас 8-й

Яко светильницы явистесья всесвѣтлии / во отце окиана моря, / преподобнии отцы наши Зосимо, Савватие и Германе: / вы бо крест Христов на рамо вземше, / усердно Тому последоваше, / и чистотою Богови приближившесья, / отонудуже силами чудес обогатистесья. / Темже и мы любезно притекаем ко святым мощем вашим, и умилно глаголем: / о преподобнии, молитвех Христа Бога // спастися душам нашим.

Кондак, глас 2-й

Христовою любовию уязвившесья, преподобнии, / и Того крест на рамо вземше, / понесли есте, божественне вооружившесья на невидимыя враги, / и непрестанныя молитвы яко копие в руках имуще, / крепко победили есте бесовская ополчения; / благодать Господню приемше целити недуги душ и телес / притекающих ко святым мощем вашим, / чудес лучи испущаете всюду. / Тем зовем вам: // радуйтесь, преподобнии отцы наши Зосимо, Савватие и Германе, монахов удобрение.

Молитва

О преподобнии и богоноснии отцы наши Зосимо, Савватие и Германе, земнии ангели и небеснии человецы, ближнии друзи Христовы и угодницы Божии, обители ваша славо и украшение, всея же северныя страны, паче и всего Православнаго Отечества нашего неборимая стено и великое заступление! Се мы, недостойнии и многогрешнии, с благоговейною любовию ко святым мощем вашим припадающе, духом сокрушенным и смиренным сердцем прилежно молим вас: молитвех непрестанно благосердаго Владыку и Господа нашего Иисуса Христа, яко дерзновение велие к Тому имущии, да не отступит от нас Его вседействующая благодать, покров же и заступление Пресвятыя Владычицы наша Богородицы на месте сем да пребудет, и да не оскудеют никогдаже истиннии ревнители ангельскаго жития во святей обители сей, идеже вы, богоноснии отцы и начальницы, безмерными труды и пощении, токи же слезными и всеночными бденими, непрестанными молитвами и молении начало иноческому житию положисте. Ей, угодницы святии, молитвенницы к Богу благоприятнейшии, теплыми вашими к Нему мольбами оградите и сохраните ны и святое селение сие ваше от труса, потопы, огня и меча,

наше́ствия инопле́менных и смертоно́сныя я́звы, от вражды́ и всяких нестро́ений, от всякия беды́ и ско́рби, и от всякаго зла: да непреста́нно на ме́сте сем, в ми́ре и безмо́лвии благоче́стно сла́вится пресвято́е я́мя Го́спода и Бо́га, и обрета́ют ве́чное спасе́ние и́щущии Его́. О преблаже́ннии отцы́ на́ши Зо́симо, Савва́тие и Ге́рмане! Услы́шите ны грешны́я, во святе́й оби́тели ва́шей и под кро́вом ва́шего защи́щения недосто́йно жи́тельствующия, и благомо́щными ва́шими к Бо́гу ходата́йствы испроси́те душа́м на́шим грехо́в оставле́ние, жити́я исправле́ние, и ве́чных благ восприя́тие в Небе́сном Ца́рствии; всем же ве́рующим, и́же на всяком ме́сте и во всяко́й ну́жде призыва́ют вас в по́мощь и заступле́ние, и и́же с благоговейно́ю любо́вию во оби́тель ва́шу притека́ют, не преста́ните излива́ти всякую благода́ть и ми́лость, сохраня́юще их от всякия сопро́тивныя си́лы, от всякия напа́сти, и от всякаго злаго́ обстоя́ния, и подаю́ще им вся потре́бная к душе́вной и теле́сной по́льзе. Наипа́че же моли́те Преми́лосердаго Бо́га, да утверди́т и укрепи́т Це́рковь Свою́ святу́ю, и все на́ше Правосла́вное Оте́чество в ми́ре и ти́шине, в любви́ и единомы́слии, в правове́рии и благоче́стии да сохра́нит и соблюде́т во ве́ки веко́в. **Ами́нь.**

Другая молитва

О преподо́бнии отцы́, вели́цыи заступни́цы в ско́рби и услы́шателие моли́тв, уго́дницы Бо́жии и чудотво́рцы Зо́симо, Савва́тие и Ге́рмане! Не забу́дите, я́коже обеща́стеся, посе́щати ча́да ва́ша. А́ще бо и отыдо́сте от нас те́лом, но ду́хом при́сно с на́ми пребыва́ете. Мо́лим у́бо вы, о преподо́бнии: изба́вите ны от огня́, от наше́ствия инопле́менников и междоусо́бныя бра́ни, от тлетво́рных ве́тров, и от напрасны́я сме́рти, и от всех прило́гов бесо́вских, находя́щих на ны. Услы́шите нас грешных, и приими́те моли́тву сию́ и мо́ление на́ше, я́ко кади́ло благово́нное, я́ко же́ртву благоуго́дну, и ду́ши на́ша, злы́ми де́лы и сове́ты и по́мыслы умерщвлённыя, оживи́те, и я́коже умершую отрокови́цу возста́viste, я́коже неисцельны́я ра́ны мно́гих исцели́сте, от духо́в нечи́стых зле му́чимых изба́viste, та́ко и нас, содержи́мых во у́зах вра́жиих, изми́те, и от сетей́ диа́вола изба́вите, из глубины́ прегреше́ний изведи́те, и ми́лостивым ва́шим посе́щением и ходата́йством от враго́в ви́димых и неви́димых оградите́ ны, благода́тию и си́лою Всесвяты́я Тро́ицы, всегда́, ны́не и при́сно, и во ве́ки веко́в. **Ами́нь.**

Величание

Ублажа́ем вас, / преподо́бнии отцы́ на́ши Зо́симо, Савва́тие и Ге́рмане, / и чтим святу́ю па́мять ва́шу, / наста́вницы мона́хов, // и собесѣдницы А́нжелов.

Преподобному Зосиме, игумену Соловецкому

17/30 апреля.

Тропарь, глас 4-й

Изво́лением Божѣственнаго ра́зума / всели́лся еси́ в пусты́ню, / и та́мо вперѣв ум твой в Небе́сныя оби́тели, / ра́вно А́нгелом жити́е на землі пожив, / в моли́твах, и трудѣх, и поще́ниях, / о́браз был еси́ твои́м учени́ком; / отону́дуже Бог, ви́дя твоѣ благо́е изво́ление, / умно́жи тебе́ ча́да в пусты́ни, слез твои́х течѣньми напая́емей; / но я́ко имѣя дерзнове́ние к Бо́гу, / помина́й ста́до, е́же собра́л еси́, му́дре, / и не забу́ди, я́коже обеща́лся еси́, / посеща́я чад твои́х, // Зо́симо преподо́бне о́тче наш.

Кондак, глас 8-й

Христо́вою любóвию уязви́вся, преподо́бне, / и Того́ крест сла́вный на ра́мо взем, / понѣсл еси́, божѣственне воору́жився, / и непреста́нныя моли́твы я́ко копи́е в руце́ имѣй, / крѣпко ссекл еси́ бесо́вская ополче́ния. / Тем зове́м ти: / ра́дуйся, преподо́бне о́тче Зо́симо, // мона́хов удо́брение.

Молитва

О преподо́бный о́тче богому́дре Зо́симо, и́же богоугóднаго жити́я твоего́ сия́нием, и трисо́лнечнаго све́та озаре́нием, пе́рвый ты строи́тель и наста́вник оби́тели се́я вои́стинну яви́лся еси́, и отходя́ от жи́зни се́я привре́менныя те́лом, ду́хом неотсту́пно от богосочета́нныя бра́тии обеща́лся еси́ пребыва́ти, и оби́тель сию́ снабдева́ти. И ны́не при́зри с высо́ты небе́сныя све́тлым о́ком на оби́тель твою́, и ви́ждь умно́жение и украше́ния ея́, приими́ любóвь возлю́бивших благоле́пие твоея́ оби́тели, и устраи́ющих полѣзная, и умоли́ о них Го́спода, е́же ми́рно, здра́во, благополúчная проведших ле́та, водвори́тися во оби́тели Отца́ Небе́снаго. Бу́ди ходата́й непреста́нный о все́й благочестиве́й держа́ве Росси́стей, е́же ей непоколеби́мей пребы́ти до кончи́ны ми́ра. Не забу́ди виногра́да си избра́ннаго, твои́ма рука́ма насажде́ннаго, защища́й от ли́сов а́дских, да не опустоша́т гроздо́в добродѣтелей, умно́жай в нем ново-сажде́ния до кончи́ны ве́ка. О всеблаже́нне и преподо́бне о́тче наш Зо́симо, буди моле́бник и ходата́й ко Христу́ Бо́гу и о мне грѣшнем, да отпу́стит мно́гая мо́я согреше́ния Всеми́лостивый Госпо́дь твои́ми святы́ми моли́твами,

избавит мя от всякия скорби и напасти, и будущаго вѣчнаго мучѣнія, сподобит же Царствию Своему Небесному со всеми святыми. **Аминь.**

Величание

Ублажаем тя, / преподобне отче наш Зосимо, / и чтим святую память твою, / наставниче монахов, // и собеседниче Ангелов.

Преподобному Савватию Соловецкому

27 сентября \ 10 октября.

Тропарь, глас 3-й

Удалився мира и водворився в пустыни, / добрым подвигом подвижался еси, / злостраданіем, и вниманіем, и молитвами, / отонудуже и по смерти источаеши исцеления, / Савватіе отче наш, / моли Христа Бога // спастися душам нашим.

Другой тропарь, глас 4-й

От юности твоея, преподобне, / весь себе Господеву предложив, / и земная вся оставль, / Христовым стопам тепле последовал еси, / и безплотным сожителю явился еси, / и всем преподобным сообщник, преблаженне Савватіе. / Тем молим ти ся, отче: / молися о нас непрестанно Христу Богу, // яко да милостив будет нам в День Судный.

Кондак, глас 2-й

Житейския молвы отбег, / вселился еси в морской остров, мудре, / и крест твой взем, Христу последовал еси, / в молитвах, и во бдениих, и в пощениих, / злостраданьию плоть твою изнуряя: / тем был еси преподобных удобрение. / Сего ради любовию память твою празднуем, преподобне Савватіе, // моли Христа Бога непрестанно о всех нас.

Другой кондак, глас 3-й

Яко звезда всесветлая, / добродетельми сияющи, чудес лучи испущающи, / обоюду богатя приходящих, / души целя и телеса, / благодать имея, Савватіе: // прославляет бо Свой Си великий Дародатель.

Молитва

О преподобне отче, угодниче Христов Савватіе, всею душею Господа возлюбивый, и удаливыйся в пустыню сию, и течение подвига спасительнаго совершивый! О верный рабе Царя Небеснаго, учителю добродетелей, образе смирения, гражданине пустынный, Ангелом собеседниче, херувиме земный, человеце Небесный! О свете немрачный отока Соловецкаго, паче же велие светило всея Церкви правверных! Молюся ти, пречестне, аз многогрешный

(имя): услыши убогое моё молёние, вонми глаголом нечистых устен моих, твоея ныне помощи требующаго. Се бо враг прелукáвый на всяко время тщится мя погубити, иский горько поглотити дýшу мою, и несть мне спасения, идеже помощь прияти, зане́ немо́щию плóти моея обложён есмь, и страстьми весь до́лу приклонихся, не íмам к Бо́гу дерзновения. Нýне же то́чию к твоёмý повергаю себе́ заступлени́ю: помилуй мя омраченнаго все́ми злыми дёлы, воздежи́ о мне всечестне́и твои́ рúце ко Господу, о моли́твенниче тёплый, Савва́тие преподо́бне: да за благоутрóбие щедрóт Свои́х пода́ст ми грехо́в оставлени́е, и в День Сýдный изба́вит мя вéчнаго мучения, и Цáрствия Своего́ сподо́бит благода́тию Своёю, Емýже бóди всегда́ сла́ва, честь и поклонение́ во ве́ки. **Ами́нь.**

Величание

Ублажа́ем тя, / преподо́бне óтче наш Савва́тие, / и чтим святу́ю па́мять твою́, / наста́вниче мона́хов, // и собесéдниче А́нгелов.

Преподобному Герману Соловецкому

30 июля \ 12 августа.

Тропарь, глас 8-й

Желáнием духо́вным от юности распаля́емь, / преподо́бне Ге́рмане, / Христу́ тесным жития́ путём последовал еси́, / и в морской пусты́нный о́стров áки в т́хое пристáнище всели́вся, / в нем мно́га лéта по́стнически пожи́л еси́, / иде́же блаже́нным о́тцем Зосíme и Савва́тию сожíteль был еси́: / с ними́же моли́ Христа́ Бо́га о нас, // любóвию чту́щих святу́ю па́мять твою́.

Другой тропарь, глас 8-й

Украси́вся, премúдре, по́стническим жити́ем, / спóстник был еси́ и сожíteль в морстём о́тце преподо́бным о́тцем Зосíme и Савва́тию, / сподвизáвся в моли́твах, и трудéх, и в пощéниях, / преподо́бне óтче Ге́рмане; / но я́ко имéя дерзнове́ние к Бо́гу, // моли́ изба́вити нас от враг, и спасти́ дýши на́ша.

Кондак, глас 4-й

Вы́шних желáя, / вся до́лу влеку́щая возненави́дел еси́, / и о́течество своё оста́вль, / в помóрие пусты́нное отше́л еси́, / та́же в морской о́стров удали́вся, / в нем мно́га лéта Господеви порабо́тал еси́. / Темже па́мять твою́ пра́зднующе, / любóвию вопи́ем ти: // ра́дуйся, Ге́рмане богомúдре, óтче наш.

Молитва

О преподо́бне и богонóсне óтче наш Ге́рмане, безмо́лвнаго ино́ческаго жития́ во о́строве Соловécтцем первоначáльниче! Мо́лим тя мы недостóйнии,

предстояще честным мощем твоим, имиже купно с чудотворными мощми преподобных отец наших Зосимы и Савватия освящается и прославляется богоизбранное место сие: буди и ты, с сими угодники Божиими, и прочими Соловецкими чудотворцы, и всяя Россійския земли Небесными предстатели, молитвенник и ходатай о нас грешных пред Престолом Вседержителя Бога, Емуже в дерзновении предстоиши со Ангелы и всеми святыми: да дарует нам яко благий и человеколюбивый, вся потребная к животу и благочестию, душам и телесем нашим здравие, во всех благих преспеяние, и Свою всеильную помощь во всяких искушениях, бедях же и напастех, воздвигаемых на ны от враг спасения нашего; обители твоей моли избавитися от всякаго злаго обстояния, и приходящим в ню ближним и дальным получитьи вся просимая ко душевной и телесной пользе. Наипаче же испроси, угодниче Христов, всем нам грехов отпущение, христианскую кончину жития, и наследие Царства Небеснаго у Христа Бога нашего, Емуже честь и слава, со Отцем и Святым Духом, ныне и присно, и во веки веков. **Аминь.**

Величание

Ублажаем тя, / преподобне отче наш Германе, / и чтим святую память твою, / наставниче монахов, // и собеседниче Ангелов.

Собору преподобных отец, во отцах Соловецких просиявших *

9/22 августа.

Тропарь, глас 5-й

Сокровище многоценное отков Соловецких, / лозы Христовы рождие всеплодное, / лучи многосветлаго Светила, / сияюще добродетельми дивными и чудесы, / отцы всечестнии, обители северныя доброты, / предстояще Престолу Вседержителя, / молитве о нас, подвиги ваша чтущих, // да спасет души наша.

Другой тропарь, глас 4-й

Взыскующе Христа, вождельнаго Бисера, / во страну полунощную востекли есте, / и подвигом первоначальников Соловецких поревновавше, /

* *Молитвословия Собору Соловецких святых благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

лесá и пусты́ни облагоухáли естé своїми богоугóдными молíтвами. / Темже и Христóс вас прослáви, / и мы вам вопи́ем: // вси святíи Соловѣцтíи, молíте Бóга спастíся душáм нáшим.

Тропарь молебный, глас 8-й

Пáче звезд сияюще добродѣтельми и чудесы́, / преподóбием и правдою послужíвше своему́ Влады́це, / святíи вси отóков Соловѣцких, / с преподóбными Зосíмою, Саввáтием и Германом, / святítеля Филиппа я́ко бисера красне́йша во мно́жестве сво́ем имúще, / молíте о нас Христá Бóга, / и от напáстей вражиих огражда́йте, // любóвию слáвлящих вас.

Кондак, глас 8-й

Во́ини Христóвы непобедíмии, / земли́ Соловѣцте́й сла́во и красото́, / началом живото́а сло́во Господне положи́вшии, / светíльницы рáзума и благочѣстíя, просвѣщíшии страну́ полунощную, / молíтвенницы о всем мíре я́вились естé, / вку́пе с пострада́вшими в земли́ сей новомúченики, / дерзнове́ние имúще ко Христú Бóгу, // испросíте нам мир и ве́лию мíлость.

Другой кондак, глас 3-й

Духóвнаго жíтельства жела́юще, / устремíтесь в сурóвые óстрова Беломóрия, / и безбѣдно преплывше житѣ́йское мо́ре, / соблазнов мирскíх избе́жете, / и в рáдости ве́лией водворíстесь; / непрестáнным умным восхожде́нием / Бóга достíгли естé, // и нас научáете Небѣсному восхо́ду.

Молитва

О сла́вный собо́ре, святíи земли́ Соловѣцкия, преподóбных сослóвие, пусты́нников со́нме, иноков ли́кове! Соблазном ве́ка сегó умертвívшеся, вре́менному ве́чное предпочѣтше, вы вселѣнием в морскíя отóки в рабóту Гóсподу себѣ всецѣло преда́ли естé; пáче же песка́ морска́го умно́жистесь, и пáче звезд небѣсных сияете ны́не в невечѣрном Цáрствии Влады́ки Христá Бóга. Святítся земля́ сíя пóдвиги ва́шими, живѣт благоухáюще ва́шими молíтвами, трепѣщет содержа́щи честны́я мо́щи ва́ша, и па́ки в послѣдняя времена́ освящѣна бысть кро́вию мученическою, за ве́ру Христóву zde излия́вшеюся. Вси святíи Соловѣцтíи, о нíхже ве́мы и не ве́мы, венцы́ нетлѣнными от Гóспода увенчáвшиися, и рíзами убелѣнными оде́явшиися, благословѣннии наслѣдницы го́рняго Иерусали́ма, молíте Бóга о обíтели сей и бра́тии ея́, и о всем многострада́льном Оте́честве нáшем: да в любві́ и единомúдрии во́инствует святáя Цѣрковь Правослáвная, да ве́ра нáша пребывáет неприкоснове́нна злу, да да́рует нам Господь сíлу вся за ню претерпѣти, и да́же до Дне Сýднаго непорóчну сохранíти; дýши же нáша да просветíт и пока́нием очíстит, и

обителей Небесных Своих достойны сотворит. Да вину прославляем державу, и великолéпие, и человеколóбие Егó, ныне и прísно, и во вéки векóв. Амíнь.

Другая молитва

О божéственный пóлче, Небéснии во́ини Христá Бóга, преподóбнии и богонóснии отцý Соловéцтии! Вы пёрвее рáлом евангельских учéний дýши своý плодонóсны сотворили естé, пóслежде и неплоднóю пусты́ню сию́ яко благоцвету́щий рай соделали естé. И явились естé жéртвы благоприятныя Бóгу, преобразившеся умным дéланием; во свéте невечérнем узрели естé бóдущия жízни слáву. И Божéственным огнём дýши своý возжгóсте, востекли естé в Сион гóрний, и нетвáрнаго свéта причастилися естé. Темже и нам, на земл́и сýщим, ходáтайствуете душáм спасéние, земнóх плодóв изобилие, временá мёрна, блага. Да и мы недостóйнии, направляемии вáшими молítвами, понé на конéц нáшего многомятёжнаго жити́я возлю́бим вéчное пáче врéменнаго, и в своý единонадесять час порабóтаем со усéрдием Небéсному Домовладýще Христý, и услышим Егó благоувéтливый глас: приидите, наследуйте уготóванное вам Цáрство от сложéния мíра. И мы с сердéчным благодарéнием пролиёмся слезáми неизречённыя рáдости, и восхвáлим вели́кое и достопоклáняемое íмя Отцá, и Сы́на, и Свята́го Дýха, ныне и прísно, и во вéки векóв. Амíнь.

Величание

Ублажáем вас, / преподóбнии отцý нáши, вси святíи Соловéцтии, / и чтим святýю пáмять вáшу, / настáвницы мона́хов, // и собесéдницы А́нгелов.

Другое величание

Ублажáем вас, / преподóбнии отцý нáши, / во отóцех Соловéцких просия́вшии, / и страны́ Беломóрия // свéтом Христóвым просвети́вшии.

Другое величание

Величáем вас, / вси святíи Соловéцтии, / и чтим святýю пáмять вáшу, / вы бо мóлите о нас // Христá Бóга нáшего.

Святителю Филиппу, митрополиту Московскому
и всея России, игумену Соловецкому

9/22 января, 30 мая \ 12 июня, 3/16 июля и 5/18 октября.

Тропарь, глас 8-й

Первопрестольников преемниче, / столпе Православия, истины поборниче, / новый исповедниче, святителю Филиппе, / положивый душу за паству твою: / темже яко имея дерзновение ко Христу, // моли за обитель сию и люди, чтущия достойно святую память твою.

Кондак, глас 3-й

Православия наставника и истины провозвестника, / златоустаго ревнителя, российский светильника, / Филиппа премудраго восхвалим, / пищею словес своих разумно чада своя питающа: / той бо языком хваление пояше, / устнама же пение вещаше, // яко тайник Божия благодати.

Молитва

О пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Филиппе! Предстоя у Престола всех Царя, и наслаждаясь света Единосущныя Троицы, и херувимски со Ангелы возглашая песнь трисвятую, великое же и неизследованное дерзновение имея ко Всемилостивому Владыце, моли спастися паствы Христова людем; благостояние святых Церквей утверди, архиереи благолепием святительства украси, монашествующия к подвигом добраго течения укрепи, обитель твою и вся грады и страны добре сохрани, и веру святую непорочну соблюсти умоли; мир весь предстательством твоим умири, от глады и пагубы избави ны, и от нападения иноплемennых сохрани; старыя утеши, юныя настави, безумныя умудри, вдовицы помилуй, сироты заступи, младенцы возрасти, плененныя возврати, немощствующия исцели; и вездe тепле призывающия тя и с верою притекающия к тебе и усердно припадающия и молящияся тебе от всяких напастей и бед ходатайством твоим свободи. Моли о нас Всещедраго и Человеколюбиваго Христа Бога нашего, да и в день страшнаго пришествия Его шуйяго стояния избавит нас, и радости святых причастники сотворит, со всеми святыми, во веки веков.

Аминь.

Величание

Велича́ем тя, / святѣтелю́ о́тче наш Фѣли́ппе, / и чтим святу́ю па́мять твою́, / ты бо мо́лиши о нас // Христа́ Бо́га на́шего.

Пресвятой Богородице, пред Ее иконой «Хлѣбная»

Сия икона, именуемая также «Запечной», явилась иноку Филиппу, будущему игумену Соловецкому и впоследствии митрополиту Московскому, когда он проходил послушание в монастырской пекарне.

Тропарь, глас 2-й *

А́нгелом пита́ема во мла́дости, Отрокови́це, / в плоть пречи́стую Бо́га облекла́ еси́, / И́же Хлеб спасѣния мѣрови яви́ся, / Ты же Пещь Хлебопода́тельную показа́, // и Небе́сную Пита́тельную ро́да на́шего.

Кондак, глас 3-й

Образ Твой, Влады́чице, благоговѣ́нно почита́ем, / зна́мение чу́дно Твоего́ благово́ления: / Ты бо живонóсный плод, Христа́, предивно возра́стала еси́, / в снедь спасѣтельную лю́дем та́инственно да́вшего Себе́. / Тем благодаря́ще вопи́ем Ти: // ра́дуйся, безсме́ртныя трапѣзы Прозябѣние.

Величание

Велича́ем Тя, / Пресвята́я Дѣво, / Богоизбра́нная Отрокови́це, / и чтим о́браз Твой святы́й, / ѣмже то́чиши исцѣле́ния // всем с ве́рою притека́ющим.

Святителю Маркеллу,
архиепископу Во́логдскому, игумену Соловецкому *

22 марта \ 4 апреля и 7/20 августа.

Тропарь, глас 4-й

В ли́це святы́х Солове́цких сия́я, / премудр на́ставник ѣноком яви́лся еси́, / и свети́льник свѣтел во архиере́ех, / о́тче наш святѣтелю Маркѣлле, // моли́ о нас, любóвию чту́щих па́мять твою́.

* Тропарь и кондак иконе Божией Матери «Хлѣбная» имеют статус рукописных.

* Молитвословия свт. Маркеллу благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.

Кондак, глас 8-й

Благода́ть па́стырства свѣ́ше от Бо́га приѣм / предвозвещѣнием небѣсным
учите́ля твоего́ Ири́нарха, / оби́тели Соловѣцте́й во игу́менстве до́бре по-
служѣв, / Цѣ́рки же Во́логодстей во святѣ́тельстве, о благочѣ́стии ревну́я. /
Покля́немся мо́щѣм твои́м, Маркѣ́лле всеблаже́нне, // и па́мять твою́ свѣ́тло
пра́зднуем.

Молитва

О пречестны́й и пресла́вный о́тче Маркѣ́лле! Па́стырю до́брый, служѣ́-
телю Хри́стов благоговѣ́йный, сла́вы Соловѣ́цкия оби́тели луче́ неугасима́я,
и архиере́ев со́нма украше́ние всесвѣ́тлое! От ю́ности добродѣ́телей мно́гих
испо́лнися, пла́менем Божѣ́ственныхя любѣ́ возжже́н, в па́стырстем зва́нии
ве́рно подвиза́лся еси́, наставля́я ино́ков на пу́ти спасѣ́ния, и Цѣ́рки
Во́логодстей мно́га ле́та до́блественне послужѣ́л еси́ попече́нием о сла́ве Бо́-
жии и благона́внии пасо́мых. По преставле́нии же твоѣ́м ко Го́споду, честны́я
мо́щи твоѣ́ воспитавша́я тя оби́тель Соловѣ́цкая приѣт духо́вно ра́дуясь, мо-
ли́твенника тя у Престо́ла Бо́жия обрѣ́тши. Ны́не в присносу́щней сла́ве О́т-
чей пребыва́я, испроси́ у Ца́ря ца́рствующих мир оби́тели твоѣ́й, от напáстей
огражде́ние, и от вся́ких бед и обстоя́ний избавле́ние; всем же правосла́вным
христиа́ном вся благáя и ко спасѣ́нию полѣ́зная. Посещѣ́нии небѣ́сными
твои́ми утвержда́й нас во вся́кой добродѣ́тели, утеша́я в немо́щех, по́мощь
подава́я в ско́рбех; и и́мже и́маши дерзнове́нием низводи́ на ны благода́ть Бо́-
жию, возжига́я ре́вность о Хри́сте в сердца́х на́ших: да благочѣ́стно на земли́
пожи́вше, и со усѣ́рдием Бо́гу порабо́тавше, сподо́бимся и в жи́зни б́удущей
с тобо́ю воспѣ́вати Всесвяту́ю Тро́ицу, О́тца́ и Сы́на и Свята́го Ду́ха, во ве́ки
веко́в. Ами́нь.

Величание

Велича́ем тя, / святѣ́телю о́тче наш Маркѣ́лле, / и чтим свѣ́ту́ю па́мять
твою́, / ты бо мо́лиши о нас // Хри́ста Бо́га на́шего.

Преподобному Иринарху, игумену Соловецкому

17/30 июля.

Тропарь, глас 4-й

По́стническое по Бо́зе жити́е возлюбѣ́в, / вся плотскáя мудрова́ния ду́ху
покорѣ́л еси́, / и воздержáнием стра́сти умертвил еси́, / во трудѣ́х, и бде́ниях,
и моли́твах о́браз быв добродѣ́тели: / тем мона́шескаго жити́я наставля́ник

показáлся есѣ, / óтче преподóбне Иринáрше, // моли́ Христа́ Бо́га спастѣся душáм нáшим.

Другой тропарь, глас 8-й

Бóдростию умá жизнь твою́ управляя, / прилежáнием Бо́га взыскúя, / отонúдуже и ста́ду мона́хов / предстáтель показáлся есѣ, / и благодáть приѣм целѣти дúши и телесá / приходя́щим с вѣрою к честнѣм мощѣм твоим, / Иринáрше, óтче наш, // моли́ Христа́ Бо́га спастѣся душáм нáшим.

Кондак, глас 8-й

Чистото́ю душѣвною Божѣственныя благодáти дáры стяжав, / блаженную жизнь совершил есѣ, / и путь ко спасѣнию всем указáл есѣ, / и богомúдрый начальник мона́хов явился есѣ: / тѣмже имѣя дерзновѣние ко Святе́й Трóице, / поминáй нас, чтúщих пáмять твою́, / да зовѣм ти: // рáдуйся, преподóбне Иринáрше, мона́шествующих похвалó.

Молитва

О преподóбне óтче Иринáрше, угóднике Бóжий и моли́твеннике о душáх нáших! Услы́ши нас, ны́не моля́щихся тебѣ, я́ко имúщему дерзновѣние ко Гóсподу, да подáст нам вся я́же на пользу в сем жити́и нáшем, и во уготóвление к вѣчней жѣзни. Бúди нам настáвник в духóвнем жѣтельстве, ути́шитель бúри страстѣй, помóщник в скóрбех, и застúпник от враг невидимых, борю́щих ны: да и мы, богоугóдно прешѣдше пóприще сея́ жѣзни, бúдем наслѣдницы Цáрствия Небѣснаго, и сподóбимся вкúпе с тобóю слáвити Отцá, и Сы́на, и Свята́го Дúха, во вѣки векóв. Амѣнь.

Величание

Ублажа́ем тя, / преподóбне óтче наш Иринáрше, / и чтим святу́ю пáмять твою́, / настáвнике мона́хов, // и собесѣднике А́нгелов.

Преподобному Елеазару Анзерскому

13/26 января.

Тропарь, глас 3-й

Отвѣрг плóти тлѣнная, / нетлѣнных потщáлся есѣ достѣгнути, / и мѣра удалѣвся, вселѣлся есѣ в морскѣй óстров, / и на нем усѣрдно мно́га лѣта Гóсподевѣ порабóтал есѣ, / сегó рáди и дáры прозрѣния и чудѣс обогатѣлся есѣ, / óтче преподóбне Елеазáре, / Христа́ Бо́га моли́ // даровáти нам мир и вѣлию мѣлость.

Кондак, глас 1-й

Я́ко лучу́ ты со́лнечную, Христо́с пока́зa, преподо́бне, / сия́юще во странé приморстей чудес благода́тию: / уставляеши бо пла́вающим тишину́ морскую́, / ве́рою моля́щимся тебе́ и вопио́щим: / ра́дуйся, Елеза́ре о́тче наш, // страны́ Беломорския похвало́ и утвержде́ние.

Молитва

О преподо́бне о́тче наш Елеза́ре, богоизбра́нный нача́льниче и основа́телю безмо́лвнаго иноческаго жити́я в пусты́ни А́нзерстей, дарова́нной ти ми́лостию ца́ревою, су́щия ра́ди в тебе́ благода́ти проро́ческа! Мо́лим тя мы смире́ннии и недосто́йнии: испроси́, уго́дниче Бо́жий, у Вседержи́теля Бо́га, в Трои́це покланя́емаго, Емуже́ в дерзнове́нии с ли́ки святы́х предстои́ши, да да́рует странé на́шей мир и утвержде́ние, на враги́ побéду и одоле́ние, Църквам благостоя́ние, и всем лю́дем тишину́ и благоде́нствие, и изоби́лие пло́дов земны́х. Угаси́ моли́твами твои́ми разжже́нныя на ны стрéлы диавольския, да не прико́снется нам зло́ба грехо́вная, да благоче́стно сконча́вше вре́менное жити́е, сподо́бимся насле́довати Църствие Небе́сное, и кúпно с тобо́ю сла́вити Отца́, и Сы́на, и Свята́го Ду́ха, во ве́ки веко́в. Ами́нь.

Величание

Ублажа́ем тя, / преподо́бне о́тче наш Елеза́ре, / и чтим святу́ю па́мять твою́, / наста́вниче мона́хов, // и собесéдниче А́нгелов.

Преподобному Йову А́нзерскому *

6/19 марта и 29 мая \ 11 июня.

Тропарь, глас 5-й

Показа́вый о́браз добродете́лей, / весь стра́ха Бо́жия и Ду́ха Свя́та испо́лнен бысть, / преподо́бне о́тче Йове, / безмо́лвия и́стинный рачи́тель яви́лся еси́; / Страсте́м Господним покланя́ясь, / имже́ и обите́ль воздвигл еси́ во о́тце А́нзерстем, / пустынножи́телей наста́вниче, // моли́ Христа́ Бо́га спасти́ся душáм на́шим.

* *Молитвословия прп. Йову благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

Кондак, глас 8-й

Любóвь Христо́ву в сёрдце стяжа́в, / ея́же ра́ди мно́ги скóрби претерпе́-
вый, / пристáнище обрёл еси́ в морстём отóце, / преподо́бнаго Елеазáра заве́-
тов ве́рный преёмник яви́лся еси́; / покрóвом Бóжия Мáтере осеня́емый, //
достоблаже́нне óтче Йо́ве, помина́й нас чту́щих святу́ю па́мять твою́.

Молитва

О преподо́бне и богоно́сне óтче наш Йо́ве, пусты́ни А́нзерския безмо́ль-
ный обита́телю, обе́тов мона́шеских и́стинный ревни́телю, А́нгелов любезный
собесе́днице, ино́ков в Бóзе ве́рный наста́вниче! Чудно жити́е твоё, неисчи́с-
лими по́двизи твои́, ве́лие пред Бóгом дерзнове́ние твоё! Мо́лим тя, избра́н-
ниче Христо́в: посети́ немощствую́щия ду́ши на́ша, простри́ о нас тёплую
к Бóгу моли́тву твою́, оградí заступле́нием твои́м обите́ль, тебе́ во изгна́нии
приёмшую, и на по́двиг безмо́львия тебе́ вдохнови́вшую. Ты неуста́нно в
покая́нном пла́чи пребыва́вый, поуча́я бра́тию, я́ко сие́ есть ключ к Ца́рству
Небе́сному, помози́ нам, погиба́ющим в нечу́ствии и окая́нстве, твои́м бла-
годáтным предста́тельством отвёргну́тися вся́кия грехо́вныя скве́рны, и плоды́
и́стиннаго покая́ния Го́споду принести́. Ты украси́вый собо́ю сонм ино́ков со-
лове́цких, украси́ на́ше ску́дное жити́е, призыва́я на нас благослове́ние Бóжие,
да оста́вивше вся до́лу влеку́щая, обратíм мы́сленней о́чи свои́ к Бóгу, и
и́стинных небе́сных благ насладимся. О досточудне Йо́ве, во смире́нии твоём
возвели́чивыйся, и нището́ю твоёю обогати́выйся! Умоли́ Христа́ Бóга смире́-
нием ду́ши на́ша украси́ти, оскуде́вшая серде́ца на́ша небе́сными дарова́нии
испол́нити. Сподóби нас нищету́ Христо́ву возлюби́ти, и стяжа́ния еди́наго
Ду́ха Свята́го в сёрдце своём при́сно желáти. Ты до конца́ за́поведь Бóжию
о любви́ испол́нивший, безме́рную любóвь к лю́дем до послéдняго вздо́ха
в сёрдце носи́вый, недугующим и стра́ждущим со усёрдием ве́лиим в́ину
служи́вый, научи́ и нас сей вя́щей добродéтели; умоли́ Го́спода Иису́са Хри-
ста́, да излиёт от приснотеку́щаго исто́чника Своея́ Божéственныя любé-
в в обнища́вшая серде́ца на́ша, да не то́кмо постóм и бде́нием, моли́твою и коле-
нопреклонéнием, но наипáче незло́бием и всепро́щением, друг дру́га немо́щей
ноше́нием приклоним к себе́ милосе́рдие Го́спода, И́же есть всесовершенство́нная
Любóвь, и в Ца́рство Небе́сное, Ца́рство ве́чныя ра́дости, благодáтию Его́
вни́дем. Достоблаже́нне Йо́ве, моли́твенниче к Бóгу усёрднейший и благо-
приятнейший, глуби́ною серде́чною сокрове́нныя та́йны Бóжия созерца́ти
сподобивыйся, научи́ нас тёплая и сокруше́нная молéния к Тому́ простира́ти,

неусыпно Бóга пред очима внúтрянними имéти, íмя Егó сладчайшее, яко нéкое многоцéнное сокровище, в сéрдце прýсно благодарно хранити. Мóлим тя, преблагий óтче, богоугоднаго жития твоегó ради сподóбившагося посещения Мáтере Бóжия, и повелéние обитель Распýтию Христá Бóга создáти от Нея приимшаго: испроси нам твоею благомóщною молитвою Тоя заступлéние и покрóв, да никогдáже оставит нас всесильная пóмощь Царицы Небéсных. Поминай обещáние твое, мýдре, дýхом прýсно с нáми пребывáти, не отлучайся нас, раб твоих, вéрою тебе молящихся, и во благовременную пóмощь ты призывáющих; моли за обитель сию, да процветéт в ней святýня Госпóдня, да не исчéзнут ея сокровéннии в Бóзе подвижницы и молитвенницы, да не умóлкнет глас воспевающих Бóга, Емýже слава, честь и поклонéние во вéки веков. **Ами́нь.**

Другая молитва

О преподóбне óтче Йове, предстáтелю наш к Бóгу неусыпный, молитвенниче о душах нáших дерзновенный, пустыни А́нзерския красотó пресвётлая, обители Распýтския síло духóвная! Мнóгими труды́ ты Бóгу потрудившася, и на конéц жития к лику ýноческому приобщившася, сподóби Пресвятáя Богородица спасительным Стрaстём Христóвым послужити, гóру безмóлвну тобою освятивши, ю́же наречé Голгóфу, вручивши ти устроити обитель скýтскую; óная же и процветé чýдными пóдвиги и пóстническим житиём твоим и ученик твоих, и благодáть почи на ней, и слава Небéсная облечé ю. Пóслежде же пáки оправдýся íмя горé сей за мнóжество zde претерпéвших гонéния и смерть, вéры Христóвы и правды ради, и íна слава мýченическая осия твою обитель. Нýне востáвшей той от запустéния и поругáний, и мýлостию Бóжиею Томú работающей, иде́же и святýя мóщи твоя́ яко многоцéнное сокровище во храме тобою создáннем обретóшася, предстояще сей святýни, усéрдно мóлим тя, досто́блaженне óтче: даждь нам Крестá ýмное зрéние в себе имéти, и благодарéние сердéчное за ны распéншемуся Христú Бóгу; воскресéния надéжду и уповáние спасéния простирающе к Томú, крест жития своего вэ́мше, со всяким послушáнием шéствовать путём Госпóдним, покаяния трудом снискáти благодáть и дух любви́ Христóвы в душах нáших. Ýночествующих сподóби пóдвигом дóбрым подвизáтися достóйно звáнию, и всем правослáвным испроси в заповедех Бóжих хождéние, и исполнéние добродéтелей, и в нéже ты безпреткновéнно вшел еси́, Цáрства Небéснаго приобщéния, дабы́ и мы с тобою тáмо наслаждáлися Божéственныя славы, и воспева́ли

Всесвятую Троицу, Отца и Сына и Святаго Духа, ныне и присно, и во веки веков. **Аминь.**

Величание

Ублажаем тя, / преподобне отче наш Йове, / и чтим святую память твою, / наставниче монахов, // и собеседниче Ангелов.

Пресвятой Богородице в честь Ее явления преподобному Йову Анзерскому *

18 июня \ 1 июля.

Тропарь, глас 2-й

Явлением Твоим, Пречистая, / Йову благоговейну, / горé пустынной Анзерстей Небесное благословение дадеся, / и еже новая Голгофа наречение, / и основание обители Распятую Господню положися. // Тем благодарственная воспеваем Ти, Животодавца Мати.

Кондак, глас 3-й

Днесь Небо земли Анзерстей дивно приклонися / Матере Божия светозарным снизхождением: / посещает тя, достолаженне Йове, Небесная Царица / со Елеазаром преподобным, / попечению Твоему вручает гору священную Голгофу, / и Распятскую обитель устроить в ней повелевает. / Сего ради воспеваем ти: / радуйся, преподобне отче Йове, // таковыя благодати сподобивыйся.

Молитва

О Пресвятая Владычице Богородице, Мати Господа нашего, распеншагося за ны, и даровавшаго нам вечную жизнь, Иисуса Христа! Вемы Твою благодать и богатство любви Твоей к роду человеку: яко присно заступаеши ны, и милосердием Твоим покрываеши, наипаче же подвижающимся подвигом добрым всеильную помощь Твою подаеши. Темже убо и безмолвней пустыни Анзерстей явила еси древле милость Свою всесветлым посещением, даровавши имя горé сей Голгофа, озаривши ю сиянием благодати, и избранника Твоего преподобнаго Йова подвижни к созиданию обители во славу Крестных жертвы Сына Твоего и Бога. Се, ныне мы сподобльшиися жителствовати во святей горé сей, и память творяще Твоего снизхождения, благодарне припа-

* *Молитвословия Явлению Пресвятой Богородицы прп. Йову благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

дающе Ти, вопиём: Пречистая Дѣво, прїзри на уединѣнный морской оток сей, и на обитель Тобою благословенную, не остави ю Твоимъ Небеснымъ попечениемъ, сохраняй во благоухании мира Христова, утверждай труждающихся в ней в подвиже крѣпце, да гласа Господня послушающе, во след Его безпреткновенно шествуемъ в достижение обновленной жизни; да от Живоноснаго Креста Господня силу почерпающе, крест иноческаго дѣлания и пустынножития достойно до конца держимъ, взирающе на воздаяние, и в подражание Христу возшедше кийждо на свою голгофу, да совершимъ свое спасение, и узримъ свет Божественныя славы, и воспримемъ радость воскресения. О Мати Божия Преподобная, посещай и впредь нас Твоимъ богоподобнымъ милосердиемъ, оживотворяй дыханиемъ непрестающа Твоея любви, воздвизай на помощь намъ святыхъ, и в первыхъ преподобныхъ Иова и Елеазара, с нимже вкупе и бе чудное Твое явление, да техъ молитвеннымъ предстательствомъ, наипаче же Твоимъ Божественнымъ благоутробиемъ, сподобимся обетованнаго намъ Царства и безконечнаго блаженства, благоволениемъ Отца, и Сына, и Святаго Духа. **Аминь.**

Величание

Величаемъ Тя, / Пресвятая Дѣво, / Богоизбранная Отроковице, / и чтимъ еже во отце Анзерстемъ // преславное явление Твое.

Преподобномученику Иову Ущельскому

5/18 августа и 3/16 ноября.

Тропарь, глас 8-й *

Обитель Соловецкую оставивъ, в пустыню же изшедъ, / поревновалъ еси вере Авраамлей, терпению же Иовлю: / не убоялся бо еси дальныя страны, / в нейже водворився, обитель Христова Рождества создалъ еси, / идеже положилъ еси по братии душу твою, преподобне Иове, отче нашъ, // темже не престани Христу молиться за ны.

Молитва

Преподобне отче нашъ Иове, молитвою твоею, и верою, и любовью, и чистотою сердца еще на земли во обитель предвѣчнаго Бога Слова душу твою устроивый, и мѣчнымъ от разбойникъ усечениемъ главы твоея житиѣ запечатлѣ-

* Тропарь прмч. Иову написанъ сщмч. Никодимомъ (Кононовымъ), еп. Белгородскимъ, и имеетъ статусъ рукописнаго.

вый, по отшествии же твоём от земных наипаче к Богу приближивыйся, но и от нас духом любви твоей не отступивый, и честныя твоя мощи, яко сосуд благодати полный, нам оставивый. Велие имея дерзновение ко Всемилостивому Владыце, моли Его спасти ны верующия и к тебе с любовью и теплою молитвою притекающия. Испроси нам от великодаровитаго Бога нашего всякий дар, коемуждо благопотребен во спасение, веры непорочны соблюдение, градов наших утверждение, мира умирение, от нашествия иноплемённых избавление, от глады и пагубы сохранение, младенцем воспитание, юным наставление, сиротам и вдовицам заступление, скорбящим утешение; по морю плавающим, хладныя пустыни и тёмныя дёбри преходящим верное ко пристанищу приведение; недугующим исцеление, бесным от демонскаго нашествия свободение, падшим во грехи покаяние и возстание, от Церкви Христовы отпадшим вразумление и на путь спасения возвращение, подвижающимся укрепление, благоделающим в делах благих преспеяние и благословение, отходящим от сего временнаго жития к вечному благе напутствие, отшедшим блаженное упоение. О священная главо! посети место сие святое, древле кровию твоею честною обagrённое и омовённое; соблюди и укрепи молитвами твоими обитель твою, расшири ю, украси добродетельми жительствующих в ней, и вся притекающия к тебе добре сохрани во веки веков. **Аминь.**

Другая молитва

О преподобне и богоносне отче наш Йове! Велие имея к Богу дерзновение, молися непрестанно о всех нас, зане буря многих бед и скорбей обдержит ны: се бо недужи телеснии, болезни душевныя, приражения вражия обуревают ны; ходит бо враг наш, иский кого поглотити. Мы же о спасении нашем нерадяще, несмы достойни ниже возрети на высоту Небесную, ни Господа в помощь свою призвати. Но ты буди нам помощник во спасение скорый, и от зол избавитель неодолимый. Подаждь нам память смертную, слезы покаяния и надежду спасения, да не во отчаяние впадём, ниже дерзостным на милосердие Божие упованием, во гресех же пребыванием, в конец себе погубим. Но да будет нам память грехов наших во источник тёплых слез и сокрушения сердечнаго; милосердие же Божие и благодать Его во спасение наше молитвами твоими да подастся нам, твоим чадом, во веки веков. **Аминь.**

Другая молитва

О преподобне и богоносне отче наш Йове! Предстоя Престолу Пресвятыя Троицы, молися непрестанно о велицей державе Российстей и народе ея,

о святѣй Цѣркви на́шей, и всех правосла́вных христи́анех: да х́одим кійждо досто́йно зва́ния на́шего, в нёмже зва́ни бы́хом; и да бу́дет земля́ на́ша земля́ добра́, и вси живу́щии на ней род избра́н, ца́рское свяще́ние, язы́к свят, лю́дие обновле́ния, ны́не и прісно, и во ве́ки веко́в. **Ами́нь.**

Величание

Велича́ем тя, / преподобномучениче Йо́ве, / и чтим честна́я страда́ния тво́я, // яже за Христа́ претерпе́л еси́.

**Преподобному Диодóру,
начальнику пустыни Юрьевой горы**

27 ноября \ 10 декабря.

Тропарь, глас 2-й

Желáнием духо́вным распали́вся, / мятѣж мирскій отр́нув, / ко еди́ному Бо́гу любóвию прилепíся, / и Того́ вседу́шне взыску́я, / во вну́треннюю пусты́ню оты́де, / при вода́х всели́ся, / иде́же в слезáх и трудѣх пребывáя многолѣтнее врѣмя, / в терпѣнии мно́зе жити́е а́нгельское проходíл еси́ / в наставле́нии Божѣственнаго рáзума. / Ста́до ино́к собра́, му́дре, / ихже посещáя не оста́ви, Диодóре преподóбне о́тче наш, / Пресвятѣй Трóице моля́ся / от зол вся́ческих изба́вити, // и спасти́ ду́ши на́ша.

Другой тропарь, глас 4-й

Я́ко светозáрная звезда́, / в се́верных страна́х возсия́л еси́: / измла́да Христа́ возлюбí, / оста́вил дом и родите́лей сво́их, / и доше́д Богоспаса́емья обите́ли Соловѣцкия, / и та́мо ино́чeskий о́браз восприя́ти сподо́бился еси́, / и дости́же Юрьевой горы́, / на нейже обите́ль и пречестный́ храм Живона́чальныя Трóицы воздв́игл еси́, / и собра́в ино́к мно́жества, / и сподо́бился еси́ посещѣ́ния и явлѣ́ния о Христѣ́ и собесѣдования́ / преподóбнаго Александра Ошевѣ́нскаго, / с нимже, преподóбне о́тче наш Диодóре, / у Христа́ Бо́га испросí / правосла́вным христи́аном здравие́ и спасѣ́ние, // и душáм на́шим вели́ю мѣ́лость.

Кондак, глас 2-й

От ю́ности, преподóбне, / плотску́ю во́лю в постѣх и моли́твах истончи́л еси́, / крест свой́ взял, Христóви послѣ́довал еси́: / те́мже к вы́шним течѣ́нием ра́достно устремíл еси́ себе́, / иде́же со все́ми святы́ми Трóице Свя́тѣй предсто́иши; / но и ны́не ста́до своѣ́ посещáя, / помина́й чту́щих пречест-

нью пáмять твою, / да вси благодарно вопиём ти: / раду́йся, богомúдре Диодóре, // наставниче наш пусты́нный.

Другой кондак, глас 2-й

Пóстническое и равноáнгельское житиé / на земл́и пож́ил еси́, преподóбне, / от ю́ности послéдовав Христú, / и Тогó крест на рáмо взем, послéдовал еси́, / оста́вив тлénное и влеку́щее мудровáние, / и бесóв посрам́ил еси́, / вь́шняя селéния на небесéх радóстно получи́л еси́, / иде́же ны́не Святéй Трóице предсто́иши, / моли́ о нас, почита́ющих пáмять твою́, / и вёрно тебе́ вопио́щих: // раду́йся, преподóбне Диодóре óтче наш.

Молитва

О преподóбне и досто́блаженне Диодóре, óтче наш, пóстниче терпеливо-дúшный, безмóлвия рач́ителю предóблй, уч́ителю духóвный спаст́ися хотя́щим, разреш́ителю тлетвóрных страстéй незлóбивый, моли́твенниче о био́щих тя безв́инно Христоподóбный, прозорл́ивства прорóческого испóлненный, предвозгласная о б́удущих блаѓих цевни́це, адаманте вéры во Христá несекóмый, стóлпе терпéния незы́блемый, за́поведей Творца́ своего́ благопослушл́ивый соверш́ителю, плотоно́сный Áнгеле, и Дúха Святáго вмест́илище благоухáнное, жителю пусты́нный несумн́ительный, смиренномúдрый Небесный челове́че, и сожителю гóрним чиноначáлием! Ты крóтостию дúха крóтких зéмлю насле́довал еси́, друг же и угóдник в Трóице сла́вимому Бóгу нáшему явил́ся еси́, Ё́же и благоизво́ли. Вéмы бо, преподóбне, кáко Бог избóильно от рáки твоея́ чудéсному дождю́ вёрным кро́пяти повелé. К тебе́ úбо припада́юще, любéзно мо́лим тя, угóдниче досточúдный: не престáй моля́ся Пресвятéй и Живоначáльной Трóице, да низпóслет странé нáшей ти́шину и мир, на враѓи побéду и одолéние, Ц́ерквам же соглáсие, и всем лю́дем смиренномúдрие и избóилие блаѓих. Угаси́, блаженне, моли́твами тво́ими паря́щия на ны разж́енныя бесóвския стрéлы, да не прикóснется нам злóба грехóвная; и всем всегда́ мýлостивное дáруй. При́зри и на мя недостóйнаго: связан бо есмь лю́те плени́цами прегреш́ений мо́их, и в пуч́ину стра́стного мóря влекомь (увы́ мне!) неодо́ержанно. Сего́ ра́ди приле́жно молю́ святы́ню твою́, пребогáте, и припада́ю к тебе́ со слезáми, глаго́ля: предстáни ми на пут́и напáсти моея́, растóргни úзы, отжен́и стра́сти, осла́би от грехóвных вери́г, избáви мя от нале́жация скóрби и от всяка́го зла, да не сведён б́уду по делóм мо́им в снeдь лю́тому миродо́ержцу врагú; разреш́и мя от болéзненных соúз, и спасéние дáруй ми, я́ко да спаса́емь моли́твами тво́ими, воспою́ и просла́влю от всея́ в́идимыя и неví-

димья тв́ари в Трѳице слáвимаго Бѳга, Отца́ и Сы́на и Свята́го Дѳха, ны́не и в безконѣчныя вѣки веко́в. **Ами́нь.**

Другая молитва

О пресла́вный, богоукраше́нный, пресвѣтлы́й светѣльниче, Небѣснаго Царствія наслѣдниче, безмѳлвия рачѣтелю всеизрядны́й, трудополо́жниче терпеливодѳшный! Ты дрѣвле непло́дную, ны́не же тобо́ю новопросвещѣнную Ю́рьеву го́ру свѣтом Христо́вым озари́л еси́, на нейже и святу́ю обѣтель воздвѣгл еси́, и богоугѳдными твоѣими труды́ и по́двиги, разлѣчными добрѳтами и благоле́пием сию́ украси́л еси́, и честны́м твоѣим и чудотворны́м и цельбоно́сным мо́щѣм внутрь цѣркве Живонача́льная Трѳицы покровѣнным положи́тися изво́лил еси́, и те́ми страну́ сию́ освяти́л еси́, и бесѳвския полки́ из нея́ изгна́л еси́. Помози́ мне грѣшному, о всеблаже́нне, Дѳха Свята́го благода́тию путь жити́я спасѣтельно шѣствовать, просветѣ́ омраче́нную дѳшу мою́ зарѣю богодарова́нная ти благода́ти, да́руй ми богáтно неболезненным житѣльством по́жити, покажи́ вход невозбра́нен во огра́ду вѣчнаго пребыва́ния, сохрани́ блужда́ющаго в пусты́ни житѣйстей, отжени́ от се́рдца моего́ душетлѣтельную по́хоть, очисти́ скверну́ грехѳвную мо́литвами твоѣими, я́звы исцели́, и спасѣние да́руй, да вѣсело зову́ ти спаса́емь: ра́дуйся, преподо́бне Диодѳре ѳтче наш, светѣло незаходи́мага свѣта, свѣтло сия́ющая звездѳ пресвѣтлая, в сѣя послѣдняя времена́ в се́верных страна́х возсия́вшая; ра́дуйся, стране́ Росси́йстей вели́кое на супоста́ты помо́жение и заступле́ние, во бранѣх крѣпкое одоле́ние; ра́дуйся, непоколебѣмы́й благоче́стия сто́лпе, иноческих преда́ний твѣрды́й хранѣтелю, и ино́ком наста́вниче духо́вны́й; ра́дуйся, крѣпкий адама́нте, и стра́шный бесѳм прогони́телю и победи́телю; ра́дуйся, гра́ду нашему́ и богоздáнней твоѣей обѣтели свѣтлая добрѳто, и Оте́честву твоѣму́ похвало́ вѣчная и непреста́нная. Сподѳби́ убо и мене́ всякия ра́дости, и Небѣснаго Царствія бы́ти причáстника, ны́не и прѣсно, и во вѣки веко́в. **Ами́нь.**

Величание

Ублажа́ем тя, / преподо́бне ѳтче наш Диодѳре, / и чтим святу́ю па́мять твою́, / наста́вниче мона́хов, // и собесѣдниче А́нгелов.

Преподобным Иоанну и Лонгину Яренским

3/16 июля.

Тропарь, глас 8-й

Яко звѣзды многосвѣтлыя от ю́ности возсия́вше, / осветѣли есте́ се́рдца вѣрных пренесѣнием честны́х мо́щѣй ва́ших; / добродѣтельми чудѣс ва́ших, /

во плóти яко бо А́нгели на землі показáстєся; / пощ́ением насажд́ени б́ысте, яко др́ево при вода́х воздерж́ания, / напо́ени стру́ями слез ва́ших, и скв́ерну ом́ысте: / сего́ ра́ди яв́истєся приятелище Бóжия Д́уха, Иоáнне и Лóнгине, // мо́лите Христá Бóга спаст́ися душáм нáшим.

Кондáк, глас 8-й

Яв́истєся светíльницы всесв́етлии, / во плóти А́нгели, / яко животá др́ево ра́йское, / пощ́ением, и б́дением, и в́ерою возвращ́аеми, процв́ели ест́е. / Мо́литвами сво́ими Неб́есную благодáть при́емше, / врачеве же кр́епцыи яв́льшєся, / исц́еляете нед́ужныя и д́уши с в́ерою прибега́ющих к мо́щем ва́шим, / чудотвóрцы слáвнии, Иоáнне и Лóнгине. / Сего́ ра́ди вси в́ерою и любóвию вопи́ем: // ра́дуйтєся, Помóрстей стран́е похвалó и утвержд́ение.

Мо́литва

О свят́ии и прáведнии Иоáнне и Лóнгине, угóдницы Христóвы и чудотвóрцы преслáвнии! Вы в по́стничестве и в д́елех благоч́естия на землі подви́завшєся, Бóгу угóдистє, та́же яко два светíла св́етлая по см́ерти в м́ире просия́ли ест́е, и в́ерныя вся чудесы́ ва́шими áки св́етлою луч́ею просвещ́аете. Темже заст́упницы нáши т́еплии на Небесí показáстєся, и н́ине мно́ги в скóрбех с́ущия, и в бедáх стра́ждущия, и погíбнути им́ущия, здравы сохраня́ете мо́литвами ва́шими. И якоже пр́ежде, д́ерзостне мо́щей ва́ших косн́увшияся внеза́пу отр́инувше и разслаб́ением наказáвше, прикоснов́ением свят́ых мо́щей т́ья помíловастє, та́ко и до днєсь предíвная чудесá во всем м́ире от м́еста полож́ения многоц́елебных мо́щей ва́ших соделова́ете. Сего́ ра́ди во свят́ый храм ваш приход́ящии лю́дие мо́лятєся, ко свят́ым мо́щем ва́шим со благогов́ением и стра́хом Бóжиим припа́дающе, и прóсят получ́ити здравие душáм и телес́ем сво́им. Н́ине úбо, о пребла́женнии угóдницы Христóвы и чудотвóрцы преслáвнии Иоáнне и Лóнгине, услы́шите мо́ление нас гр́ешных, с в́ерою вас призыв́ающих: б́удите нам помóщницы скóрии и покров́ителие тепл́ейшии в путеш́ествии, и в мореплáвании, и в домóвнем пребыв́ании; и вся правослáвныя христиáны мо́литвами ва́шими освят́ите, в м́ире и тишин́е соблю́дите, избóблием вся́цем снаб́дите, и во всем благо́м жизнь сию́ препровод́ити предстáтельствы ва́шими к Бóгу сподóбите: да та́ко мо́литвами ва́шими грехóм нáшим прощ́ение получ́ивше, Цáрствия Неб́еснаго причáстницы б́ыти сподóбимєся, благодáтию и человеколю́бием Бóга нáшего, Ем́уже подобáет всякая слáва, честь и поклон́ение, н́ине и пр́исно, и во в́еки в́еков. А́минь.

Величание

Ублажа́ем вас, / преподо́бнии отцы́ на́ши Ио́анне и Ло́нгине, / и чтим святу́ю па́мьять ва́шу, / наста́вницы мона́хов, // и собесѣдницы́ А́нгелов.

Преподобным Вассиану и Ионе Пертоминским

5/18 июня и 12/25 июня.

Тропарь, глас 8-й

Пре́жде отверже́нием ми́ра, / я́ко морска́го трево́лнения избе́госте, отцы́ преподо́бнии, / по́слежде же изво́лением Бо́жиим / в вода́х морских кончи́ну блаже́нную при́ясте, / и к небо́лезненному поко́ю преста́вистесь от земли́ ра́дующеся; / тем и по кончи́не от Хри́ста Бо́га просла́вистесь чуде́сы обильно, / тёплии в беда́х ве́рным помо́щницы показáстесь; / и ны́не на Небесéх предстоя́ще Престо́лу Хри́стову, / Васси́ане преблаже́нне и Ио́но пресла́вне, // моли́тесь при́сно о душа́х на́ших.

Кондак, глас 2-й

Я́ко сокрови́ще богáтно, / ве́рным Божество́нная благода́ть / из морских недр издаде́ мо́щи ва́ша, отцы́ преблаже́ннии, / и в ме́сте пу́сте це́лы и невредимы́ обрето́шася пресла́вно: / и та́ко вас ра́ди ны́не сла́вится Бог, / Емуже со дерзнове́нием предстоя́ще ны́не на Небесéх, / Васси́ане и Ио́но досто́чуднии, // моли́тесь непреста́нно о всех нас.

Молитва

О преподо́бнии и всечестни́и отцы́ Васси́ане и Ио́но, уго́дницы Хри́стовы блаже́ннии и чудотво́рцы пресла́внии! По́стничеством Бо́гу пе́рвее угоди́вше, и де́лы благоче́стно на земли́ подвизáвшеся, я́ко свети́ла све́тлая по сме́рти в ми́ре возсия́вше, просвещáюще ве́рныя чуде́с све́тлостью, вы заступни́цы тёплии показáстесь: мно́гия бо в ско́рбех и беда́х стра́ждущия и поги́бнути иму́щия здра́вы сохра́ните, не послу́шавшия же заве́щания ва́шего и мало́верующия отмсти́тельно нака́заете, и пре́жде заблуждшей же́не путевожди́ бы́сте, и ослéпшему па́ки прозрѣ́ние дарова́сте, дерзостне же косну́вшася целѣ́бных мо́щей ва́ших внеза́пно отрё́нусте и рассла́блением нака́завше поми́ловасте. К сим же и ина́я пресла́вная соде́ласте, и бы́вшее во оби́тели ва́шей оскуде́ние сугу́бо испо́лните. Мо́лимся у́бо ны́не вам, о преблаже́ннии отцы́: услы́шите мо́ление на́ше, не презрите нас, в беда́х и ско́рбех призывáющих вас ве́рою, бу́дите помо́щницы нам ско́рии и покрови́телие ве́рнии; сохра́ните же во благоде́нствии, ми́ре и ти́шине́ Оте́чество на́ше. К сим же и духо́внаго о вас собра́ния не оста́вите до конца́, о преподо́бнии, но моли́тесь при́сно о нас ко

Господу, да молитвами вашими грехов прощенье получим, и Царствия Небеснаго сподобимся благодатию Его. Яко Тому подобает всякая слава, честь и поклонение, ныне и присно, и во веки веков. **Аминь.**

Величание

Ублажаем вас, / преподобнии отцы наши Вассиане и Ионо, / и чтим святую память вашу, / наставницы монахов, // и собеседницы Ангелов.